



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS,
*manè discutienda, in Scholis Medicorum, die Martis tertiâ mensis
Martii, anno Domini M. DCC. LXVII.*

M. JOANNE-BAPTISTÂ LANGLOIS,

Doctore Medico Præside.

An fœtus sanguine materno & amnii liquore nutriatur?

I,



A est supremi rerum conditoris sapientia ut in omnibus corporis humani functionibus elucescat, illa tamen nobis videtur circâ fœtus vitam à primo conceptionis instanti ad partum usquè imprimis manifestari; quâ arte, toto gestationis tempore, nutriatur, quâ industriâ natura illius conservationi invigilet, mirari non desinemus. Factum in utero inclusum duæ membrana involvunt, hæc externa.

A

binis tribusve lamellis conflata, ob crassitiem chorion dicta, vasisque sanguineis & lymphaticis irrigata: illa interna, pellucida, tenuior & mollior, amnium scilicet, intra cujus cavitatem liquor dulcis, blandus, inodorus, albumini ovi similis, continetur. Ex fœtus abdomine nascitur funiculus umbilicalis venam unam, duas arterias ex iliacis sobolescentes complectens, desinens in corpus orbiculare, vasculosum, dimidii pedis & ultrâ diametri, crassitie unius pollicis, & fundo uteri ut plurimum adnari, quod placentam appellare solent. Verum non ita ordinatur, nisi aliquot diebus à conceptu elapsis, hicce apparatus: *HARVÆUM* perspicacissimum naturæ scrutatorem testamur, cujus numerosissimæ animalium dissectiones, & innumera serè experimenta, haud dubiam lucem fœtus historię præstulerunt. Hæc loquitur in exercitationibus suis de cervarum & damarum coitu: » Conceptus muliebris, primis gestationis mensibus, » ab ovo vix quicquam discrepat. Vidi enim, ante natam placentam, » tam, humorem album intra membranam subtilem contineri; in quo » embryo, longitudine unguis digiti auricularis, ranulæ instar, conspiciebatur: nempe, corpore lato; scisso ore: cruribus & brachiis, » ceu florum apicibus, noviter protrusis; occipite prominente, sive » potius vesicula reliquo capiti appensa. Et inferius: Dicti omnes muliebres conceptus, ovis similes, rugosa foris superficie erant, & quasi » gelatina aut glutine quodam oblinebantur: eodemque tempore nec » placenta apparuit, neque aliqua cum matrice unio; aut vasorum » umbilicalium, per ipsam conceptus muliebris superficiem sparsorum, » in uterum insertio (a). Constat igitur nullam adesse placentam primis à conceptu diebus, & embryonem membranulis suis amictum, amnii liquore innatantem, nullo modo cum matre conjungi. Quarum observationum testimonio innixi ad hanc sententiam adducimur.

I I.

EMBRYO primis à conceptu temporibus à liquore amnii genui-num pabulum trahit, in re manifestâ absit disputandi ratio, nam si nulla sit alia nutritionis via, ergò hæc sola, quam dicimus, venit admittenda. Hæc alibili materiâ mollia ac tenera embryonis stamina, juvante calore loci, firmantur, partes omnes nutriuntur, evolvuntur, coiculum in majorem molem exurgit, densiori textu donatur, vascula protruduntur, & aliquod adipiscuntur elaterium quod, novo succo indefinenter appellente, paulò vegetius evadit. Jam perfectior fœtus aliam nutritionis & incremmentationem efflagitat, cui naturæ mirabili solertia prospicit. Sicut è germinanti femine aguntur radices, sic ab extingua fœtus tunicâ villosâ radicula expullulant quæ oscula vasorum uterinorum hiantia subeunt cum illis canalem continuum constituunt: hinc vera anastomosis, hinc mirabile fœtum inter & matrem commercium: sanguis ex matre in radicales placentæ traducitur, per vascula sinuosa pergit, & deindè pleno venæ umbilicalis alveo commissus, in venæ portarum sinu funditur, per ductum venosum, fœtui proprium, descenditur in cavam ascendentem, & in auriculam dextram cordis. Fœtus in utero hospitans non respirat (1), undè sanguis in auriculam dextram

(a) Exercit.
EXIX.

(1) Frustrâ obijciunt auditos fuisse vagitus fœtus sub finem graviditatis, vel pullorum pipi-

admissus, pulmones feriantes vix permeat, sed ferè omnis derivatur per foramen ovale in auriculam sinistram, mox sinistro ventriculo in aortam propellendus, altera vero pars ventriculorum dextrum subit, cuius contractione ductu, arterioso dicto, in aortam pariter emittitur, ibique recollectus per aortæ propagines in omnes corporis partes diffunditur, ut singulis impertiatur nutriminis & incrementi materia. Eodem tempore placenta tribuitur vita, nam juxta aortæ in ramos iliacos divisionem pars sanguinis per arterias umbilicales in placenta substantiam ramulis infinitis dispersas elabatur, per venam umbilicalem in foetus corpusculum partim reducenda, si quidem ramuli laterales ex ultimis arteriarum umbilicalium finibus sobolescentes, sanguinem crassorem pulmonibus matris subigendum & elaborandum, in illius venas refundunt. Facili vasorum placenta cum uterinis anastomosi non ex solo sanguine materno vivit foetus, sed amnii liquor illius nutritioni, ut antea, inservit: nam contractione diaphragmatis, musculorum abdominalium, iplis matris motibus sollicitatus & impulsus, patentem oris rictum subit, & ad stomachum usque derivatur. Hoc duplici pabulo nutritus foetus crescit, magis ac magis vigescit, jamque, spatio novem mensium elapso, homo salutari potest.

III.

FETUM sanguine materno nutrirî & augeri tum experimentis tum observationibus demonstratur. Conperus inter plures, hydrargirum misit per arterias hypogastricas matris in venas placenta, & vicissim; aliis idem experimentum repetentibus subsequutus est idem effectus, sic & *Vicussenius* (a) observavit hydrargirum carotidi canis gravida injectum venam umbilicalem caecelli subisse. In catellâ sanguine orbatâ catuli exsanguis reperti fuere (b). In puerperâ ex lapsu exsanguis foetus pariter exsanguis (c). Quibus experimentis vim addunt physicorum observationes, qui in defunctis puerperis viderunt, ora vasorum sanguine ad huc sudantia (d), vel patentes in utero vasorum sanguiniferas vias (e), ac liquore per scyphonem immisso, is non minus quam status in uteri capacitatem erumpere (f). Præterea quam tuemur anastomosis quotidiana astruit experientia, nam et si post ultimum matris spiritum sectione caesarea aperiat venter, foetus seipsum nunquam superstes evadit, imò & brevissimo tempore matris syncope enecatur. Insuper in abortu major sanguinis copia effunditur, & sæpè sapius apud gravidas mulieres, percutitionis vel lapsus causa, hæmorrhagias accidere vidimus, quæ, si sint abundantiores, foetum & matrem vitæ subripiunt. Quæ omnia, ut ite-

(a) Apud Manget. Theat. Anat. II. pag. 139.

(b) Vid. Trevis. de chylosi foetus pag. 18.

(c) Mery, Mémoires de l'Académie. 1708. pag. 240.

(d) Vid. Jac. Sylv.

(e) Vid. Graecum. Blanchard.

(f) Vid. Eosd.

Jatus in ovo, hi nempe pro vagitibus habuerunt status vel borborygmus intestinorum, pulli vero nunquam pipiunt quin aeri aditus præbeatur per ovi fissuras. Cæterum pulmones fundum aquæ petentes, in machinâ Boyliani non intumescunt, lobi pulmonum complentur & ad posteriora reflexi, diaphragma reductum & fornicatum, respirationem non exerceri evincunt. Nec metuat aliquis cum *Stalparis* pulmones coalescere, in illis nempe exsudat sicut & in aliis partibus, palpebris, podice, urethra, serum quoddam quo impeditur coactio.

rùm dicam, experientiâ comprobata, ita sanè non evenirent, nisi adesset prædicta anastomosis, quæ, sanguine materno in venam umbilicalem derivato, fœtui largitur vitam, destructâ vasorum inosculatione, quæcunque sit causa, brevi exstinguendam. Ad probandam anastomosis hæc argumenta sufficiant, quibus hanc observationem superpondii vice addere possimus. Quandòque post longiorem & difficiliorem partum fœtus in lucem editus nulla vitæ signa præbet, nullâ se produnt cordis nec arteriarum contractiones, secto tamen fune umbilicali, quidam aërem per os & nares afflant, heu! Frustra. Hunc morti arripere cupis? Integrum serva funem umbilicalem, brevi deprehendes leviolem cordis contractionem quæ subito cessat, cum certo mortis periculo, si ligetur funis, sed restituitur, sublatâ ligaturâ, magis ac magis augetur, intenditur, secto ipso funiculo nusquam cessatura, jam vagitus edit fœtus, & ad vitam haud incertam revocatus astantes lætitiâ perfundit. (1)

I V.

NEC minoris momenti rationibus constat amnii liquorem eodem usus destinari quem nullum assignare possis fœtui nutriendo magis idoneum, nam sapore dulci, blando, subfalso gaudet, & in gelatinam ignis calore convertitur. Stupenda naturæ industria! Quæ ex lymphâ fœtum circumvolvente adeo insignes usus percepit; nimirum faciliores illi motus permittit, tenellum ejus corpusculum à succussionibus externis tuetur, partu imminente orificium mollior premit, sensum sine sensu dilatat, partesque relaxando fœtus expulsionem propeat, quin etiam toto gestationis decursu blandum huic præbet alimentum, teneræque illius compagi accommodatum: jam non miramur si brevissimo novem mensium spatium eum incrementi gaudium, rationem, quâ per reliquum vitæ cursum crescit immanè superantem, obtineat. Et verò debuit provida parens duplicem nutritionis viam fœtui largiri, ut, hæc deficiente, superflite aliâ, non moriatur, undè apparet fœtus natus ore occluso, vel alios sine funiculo pro nobis pugnare, nam, posita solâ fœtus nutritione per funem umbilicalem, hoc rupto, aut nodoso, aut absente, certè enecaretur. Sed coram experientiâ sileat ratio, Heisterus in vaccâ atro frigore enecatâ reperit amnii liquorem per os, fauces, & ventriculorum vitulorum continuo ductu congelatum. *Insans recens natus si continuo à morte aperius fuerit, ventriculorum plenum habet caecosus strigmenis, quasi albumine ovi vitellisset, intestina vero tenuia massâ cibariâ, vasa demum lactea chylo repleta sunt, certissime omnia (a).* In fœtu, cui obstetricis imperitiâ, abdomen apertum fuit, manifestè videbatur motus chyli per lactea vasa fluentis (b). Unde cum Boerhaavio concludimus *ventriculum & tenuia intestina eodem, quo in adulto, fungi officio.*

(a) Boerh.
prælect. Acad.
t. VI. p. 13.
(b) Id. prælect.
Acad. t. VI.
p. 14.

(1) Hanc artem quâ feliciter usus est nobis communicavit colendissimus mihi & Celeb. hujus Scholæ Magister A. PRYR, & affirmat se plures verè, ut ita dicam, mortuos, ad vitam revocasse, qui, aliis mediis frustra tentatis, fato occubissent.

HÆC nostra omnibus, ut opinor, non arridebit sententia. Uterina inter & placenta vasa nulla datur anastomosis, obijciunt non nulli authores, nam secto post partum fune umbilicali, etiam si Chirurgus illum ex parte matris non ligaverit, non succedit hæmorrhagia, & nõrunt omnes facillè ex trahi placenta quæ, posita anastomosi, non, nisi ægerimè, avelleretur, quin etiam numquam eveniret partus cum in eo ipso prima illius ratio posita sit: quod maternus sanguis fœtu exclusus vasa uteri sub finem graviditatis ita distendit, ut inde vascula quibus succus commeat à matre ad matrem comprimantur, placenta radícula contabescendo evaginenur, sicque alimentum fœtui subripiatur (a). Hoc satis demonstratum, ut aiunt, ratione & analogiâ firmabimus: jam vero vetat ratio hanc anastomosis admittere, quâ datâ, cordis & arteriarum matris vi trusus sanguis, & in fœtum arietans, adeo teneram illius compagem brevi dissolveret. Vaccarum, damarum, cervarum fœtus nullâ anastomosi cum utero conjunguntur, sed ut in ovo, vasorum umbilicalium fines in albumine & vitello terminantur; ita pariter in cervis & damis, aliisque quibus hujusmodi caruncule insunt, ultima vasorum umbilicalium orificia in humores qui intra conceptum continentur, inque albumen, quod in acetabulis cotyledonibusve istis est, aperiuntur & desinunt, idque etiam inde porrò cognoscitur, quod extrema umbilicalium filamenta, cum è prædicto mucone extrahantur, alba omnino conspiciantur, firmo argumento eadem colligatam hanc mucilaginem duntaxat, non autem sanguinem absorbere (b). Cur natura adeo simplex alium operandi modum in feminâ, alium in animalium femellis usurparet.

His difficultatibus nedum infirmetur sententia nostra, quin & illorum solutione magis patebit illius veritas. Et primò quidem, volentibus vel nolentibus adversariis, asserimus placenta utero firmissimè adhærere, attamen in partu naturali, expulso fœtu, facillè separatur, fatemur, quid inde? Nullam esse anastomosis malè concludunt, quos nempe fugit genuina facillè extrahendæ placenta causa: inter partus dolores validissimis & repetitis contractionibus quassatur uterus, quod fieri nequit quin placenta vasorum extrema cum vasis uterinis inoscullata disrumpantur, hinc totius in his disjunctio. Rariorne uteri contractio? Quod in faciliore partu accidere solet, non facillè extrahitur placenta, sed nexu conjungitur vel arctissimo: hinc tot tragediæ matronarum imperitiâ & pertinaciâ ortæ (c): hinc sanioris notæ chirurgorum laudanda praxis, placenta non avellere statim post tætus egressum, experti nempe quod, placenta citiùs avulsâ, hæmorrhagia sæpius periculosa sequeretur, hancque praxim præsertim in facillimis partibus conferunt, tunc enim nullatenus constinguntur ora vasorum, & non unicam observationem habemus mulierum quæ, placenta citiùs sublata, perierunt. Jam patet cur post fœtus egressum, secto fune umbilicali, non succedat hæmorrhagia, placenta jam utero non adhæret vel tantùmexminimâ parte, & ultrò concedimus hoc casu inutilem esse ligaturam quæ, placenta adhuc utero adhærente, sine evidenti matris

(a) Vid. Thes. Auth. Celeb. Falconet, An fœtus sanguis maternus alimentum.

(b) Harv. Exercit. LXX.

(c) Voy. Observat. de la Mort. 369, 385, 389, nouvelle édition.

periculo non omitteretur (1). Quod sequenti observatione notatu dignā luculenter demonstratur : furtivis clandestini amoris fructus, inscisi parentibus, sine gerebat puella, novem elabuntur menses, partus imminens inter silentia noctis doloribus prænuntiatur, fororis clamoribus expectatus frater advolat, sætum recipit, umbilicum ligat, secat, & abiit secunda ligaturæ ignarus : interea infortunatæ puellæ deficiebant exhaustæ vires, brevi extinguendæ, nisi accesserit Chirurgus qui placentam invenit fundo uteri firmissime adhærentem, & funiculum non ligatum extrâ vaginam propendulum, per cujus venam jam effluerant tres sanguinis pintæ aut circiter, quo ligato illico cessavit hæmorrhagia (d). Et alterâ : vir in arte obstetricandi peritissimus mulieri parturienti opem se tulisse refert quæ magnam & fœcilem experta est hæmorrhagiam per venæ umbilicalis aperturam (e). Nunc quæro quis prædictam anastomosin incicias ire poterit, quæ certè, ut obiciunt, partui non obstabit, non pender enim à causâ ab illis assignatâ, sed ab utero qui tenella fœtus rudimenta amplectitur, blando fovet calore, quâ proportionem crescit obsequi osè ampliatur, sese sensim evolventibus fibris, quæ, cum ad ultimum evolutionis gradum pervenere, irritatæ, distractæ ad contractionem sollicitantur, fœtusque expulsiōnem moluntur (2). Nullius momenti est difficultas à motu sanguinis petita, nam circulatio lentâ & difficilis redditur per infinitos placentæ ductus iterum & iterum in tramite suo reflexos, undè sanguis ad fœtum lento & quasi testudineo gressu vehitur : & verò hunc præcipuum placentæ usum agnoscimus, sanguinis scilicet motum retardare, qui adhuc impeditur iter faciendum per funem umbilicalem, mollem, flaccidum, & sæpius circâ fœtus corpusculum circumplicarum ; fluidum enim lentius ire in sinuoso canale, quod in recto rapidiori motu agitur, quis nescit ? Cervarum, damarum fœtus nullâ anastomosi cum utero conjungi haud dissimulatur, idque constat Harvæi observationibus : sed interius loco ab adversariis citato hæc addit ; *num autem placenta muliebri vasorum extremitates sanguinem ab utero exsugant, an potius concoctum quid albumini ovi simile, quale in cervis & damis reperiri diximus, nondum exploratum habeo* (g). Cur adversarii concluderent quod concludere non ausit Harvæus ? Experimentis cæteroquin & observationibus evincitur rem aliter in seminâ, aliter in animalibus se habere, & consentiunt omnes nullam esse analogiam ubi clamat experientia.

Annii liquorem ad intestina per os derivari & in fœtus alimoniam verti negant alij, nam in lucem prodierunt fœtus ore & naribus occlusis, vigentes tamen & maturi. Sed alij observati sunt sine funiculo, quis tamen, si sanæ sit mentis, inde concludat fœtum per umbilicum non nutriri. Aliis infinitis modis naturam luisse constat, nati fuerunt quidam tres pedes, quatuor manus habentes, hæc sunt contrâ consuetas naturæ leges, idem dicas de fœtu nato ore occluso, quem ex annii lymphâ nutritum non fuisse jure asserere potes, non verò illos quo-

(d) Méry, Ob. Differt. sur la nutrit. du fœtus, & Mém. de l'Acad. des Scienc.

(e) Obserr. 249 de la Motte, nouv. édit.

(g) Exercit. 70.

(f) Recueil de pièces relatives à la question des naissances tardives.

(1) In dubio securius eligendum. Itaque prudens Chirurgus 2^{um} ligaturam non omittat fortè inutilem, si jam non adhærens placenta facile sit extrahenda, quod incertum est, aut necessariam ut præcaveatur hæmorrhagia ex placenta adhuc adhærente ostiua.

(2) Ne vaga & incerta in medium proferte videamur, hic profiteamur hunc partus mechanismum, eximio libro nuper edito fusiùs expōitum (f), non ut systēma, sed quid certum & demonstratum à nobis spectari.

rum rectè disponuntur organa. Profectò hallucinantur qui cum *Bohnio* existimant amnii liquorem ex mammillis fœtus derivari, vel cum *Drelincurtio* ex corporis excretoriis convehi, vel cum pluribus aliis amnium tanquam matulam & chloacam esse in quâ extillant lachrymæ, saliva, fœtus urina, undè adversùs nos concludunt, si quidem verisimile non sit materiam, quæ est illius excrementum, fœtum deindè reforbere. Verùm quis credat embryonem, apud magnitudinem vix adæquantem, urinâ, lachrymis, salivâ, amnium complexisse. Amnii liquor glutinosus est, dulcis, blandus, his qualitatibus non donatur lachrymæ, urina, sudor; insuper in amnio colligitur antequam appareant efformati oculi, vesica, renes, & si in amnii cavitatem derivatur urina, cur statim à partu tantam copiam fœtus emitant, capere nequeo. Sed, dicit aliquis, undenam oriatur amnii liquor? Eundem esse arbitramur qui, extrâ ipsum gestationis tempus, ex facie uteri internâ per arteriolas lymphaticas exsudat; imprægnatâ vero seminâ, per vascula lymphatica chorii cum utero anastomosi conjuncta, amniique meatus transmissus, in illius cavum effunditur. Quandòque colligitur chorion inter & amnium, hinc aquæ spuria dictæ quæ obsterices proximum partum præfagientes in errorem inducunt. Instant alii, fœtus non respirat, ergò deglutire nequit. Alia vero est ratio hominis nati, alia fœtus in uteri latebris reconditi: ille, aërem jam expertus, deglutitionem sine respiratione non absolvit, sed non video cur aquæ fœtum undequaque aluentes os patens liberumque æsophagum non subirent.

Rationi simul & sensibus nuntium remisisse nobis videntur qui audaciores affirmant fœtum nec per os, nec per umbilicum nutriri; ne igitur in refellendâ opinione argumento destitutâ tempus teramus, cum propositi nostri veritatem satis luculenter demonstravisse arbitremur, ad conclusionem properamus.

Ergò fœtus sanguine materno & amnii liquore nutritur.

DOMINI DOCTORES DISPUTATURI.

M. Henricus RAIMOND. M. Antonius - Joannes - M. Carolus PAYEN.
Baptista-Maclovius
GUENET.

M. Carolus - Nicolaus M. Paulus-Gabriel LE M. Gaspardus COCHON
D'ESLON. FREUX. DU PUY, Regii ordi-
nis Eques, Regis Con-
siliarius & in Arce ma-
ritimâ Rupisfortensi
Anatome & Chirurgia
Professor Regius.

M. Andreas - Blasius M. Petrus-Augustinus M. Carolus-Albertus
PELEE DE VALON- ADET. HAZON.
COURT.

Proponebat Parisiis, FRANCISCUS-MARIA LE MOINE,
 Parisinus, Saluberrimæ Facultatis Parisiensis Baccalaureus, Theſeos
 Auctor. A. R. S. H. 1767. A SEXTA AD MERIDIEM.

Typis QUILLAU, Univers. & Facult. Med. Parisiensis, Typographi.